

ՄՐՑԱՆԱԿԱԲԱՇԽՈՒԹՅՈՒՆ

2023 ԹՎԱԿԱՆԻ «ԱՐՏԱՎԱԶԴ» ԹԱՏԵՐԱԿԱՆ ՓԱՌԱՏՈՆԻ ԳԼԽԱՎՈՐ ՄՐՑԱՆԱԿԸ՝ ԱՐՄԵՆ ԲԱՅԱՆԴՈՒՐՅԱՆԻՆ, «ՌԵՎԻԶՈՐ» ՆԵՐԿԱՅԱՑՄԱՆ ՀԱՄԱՐ



Մարտի 27-ին՝ Թատրոնի միջազգային օրը, Երեւանի Հակոբ Պարոնյանի անվան երաժշտական կոմբիիայի պետական թատրոնում տեղի ունեցավ Հայաստանի թատերական գործիչների միության «Արտավազդ» ամենամյա թատերական մրցանակաբաշխությունը: Թվով 22-րդ «Արտավազդ»-ը նվիրված էր Հայաստանի ժողովրդական արտիստ, երջանկահիշատակ Վահե Շահվերդյանին:

Հայաստանի թատերական գործիչների միության «Արտավազդ» 2023 թվականի գլխավոր Վահե Շահվերդյանի անվան մրցանակի դափնեկիրը դարձավ Թբիլիսիի Պետրոս Ադամյանի անվան պետհայրամայի թատրոնի զեղարվեստական ղեկավար Արմեն Բայանդուրյանը՝ Նիկոլայ Գոգոլի «Ռեվիզոր» բեմադրության համար: Իսկ «Լավագույն կամերային ներկայացում» անվանակարգում մրցանակակիր դարձավ ադամյանական թատրոնի ռեժիսոր

Լեւոն Ուզունյանը՝ Երեւանի Կ.Ստանիսլավսկու անվան ռուսական թատրոնում Դիդյե Կարոնի «Կեղծ Մոտա» բեմադրության համար:

Արմեն Բայանդուրյանին «Արտավազդ» մրցանակը հանձնեց Վահե Շահվերդյանի որդին, արդեն իսկ ճանաչված ռեժիսոր Սուրեն Շահվերդյանը:

Հատկանշական է, որ Ա.Բայանդուրյանը Վահե Շահվերդյանի սանն է: Այս մասին մրցանակաբաշխության հանդիսավոր արարողությանը շեշտեց նաեւ Հայաստանի թատերական գործիչների միության նախագահ Հակոբ Ղազանջյանը:

Շահվերդյանն անգնահատելի էր հայ թատրոնում: Նա անկրկնելի մանկավարժ էր եւ նրա արվեստանոցում հրաշալի արտիստներ ձեւավորվեցին, որոնք այսօր զարդարում են հայկական



ի Պետրոս Ադամյանի անվան պետհայրամայի թատրոնի թատերական գործիչների տնօրեն Լուիզա Խաչատուրյանը եւ «Վրաստան» թերթի գլխավոր խմբագիր, Թբիլիսիի պատվավոր քաղաքացի Վան Բայբուրջյանը: Խորհրդանշական էր, որ հենց Վան Բայբուրջյանը՝ «Արտավազդ»-ի 20 ամվանակարգերից «Լավագույն թատերախոսական»-ի «Արտավազդ»-ը հանձնեց Նաիրա Շահվալադյանին, ում մեծ պապը դեռեւս 1913 թվականին արժանացել էր նույն տիտ-

ղոսին: Ն.Շահվալադյանը մրցանակը ստացավ Նիկոլայ Շատուրյանի բեմադրությամբ Ուիլյամ Գիբսոնի «Հրաշագործը» ներկայացման «Արթնացրու միտքդ, հետո էլ հոգիդ» թատերախոսության համար:

«Արտավազդ» մրցանակը Հայաստանի թատերական գործիչների միությունը ստեղծել է 2002 թվականին՝ Հայոց թագավոր Արտավազդ Երկրորդի (մ.թ.ա.55-մ.թ.ա.34) պատվին, որը համարվում է հայկական ազգային թատրոնի հիմնադիրներից մեկը:

Մրցանակաբաշխությունն ավանդաբար անցկացվում է մարտի 27-ին՝ Թատրոնի միջազգային օրը:

ՄԱՐԻԱՄ ԴԱՆԻԵԼՅԱՆ



տարբեր թատրոնները, այդ թվում Թբիլիսիի հայոց թատրոնը, որի հետ համագործակցել է 40-ից ավելի տարիներ, իր խոսքում նշեց Հակոբ Ղազանջյանը:

Մրցանակաբաշխության օրը Երեւանյան բեմ բարձրացավ չորս թբիլիսցի՝ Արմեն Բայանդուրյանը, Լեւոն Ուզունյանը, Թբիլիսի-

վավոր քաղաքացի Վան Բայբուրջյանը: Խորհրդանշական էր, որ հենց Վան Բայբուրջյանը՝ «Արտավազդ»-ի 20 ամվանակարգերից «Լավագույն թատերախոսական»-ի «Արտավազդ»-ը հանձնեց Նաիրա Շահվալադյանին, ում մեծ պապը դեռեւս 1913 թվականին արժանացել էր նույն տիտ-

ԿՐԹԱԿԱՆ



ՈՉ ՎՐԱՅԱԼԵԶՈՒ ԴՊՐՈՋՆԵՐԻ/ԲԱԺԻՆՆԵՐԻ «ԳՈՐԾՈՂ ՈՒՍՈՒՅԻՉ» ԿԱՐԳԱՎԻՃԱԿՈՎ ՈՒՍՈՒՅԻՉՆԵՐԻ ԿԱՐԻԵՐԱՅԻՆ ԱՌԱՋԸՆԹԱՅԻ ՊԱՅՄԱՆՆԵՐԸ

Փոփոխություն է կատարվել Ուսուցիչների մասնագիտական զարգացման եւ կարիերային առաջընթացի սխեմայում: Վրաստանի կառավարության N97 որոշման համաձայն՝ ոչ վրացալեզու դպրոցների/բաժինների «գործող ուսուցիչ» կարգավիճակով ուսուցիչները (բացառությամբ էթնիկ փոքրամասնությունների լեզուների՝ հայերենի եւ ադրբեջաներենի ուսուցիչների) «գործող ուսուցիչ» կարգավիճակը կպահպանեն մինչեւ 2022-2023 ուսումնական տարեկերը:

2023 թվականի ընթացքում, Գնահատման եւ քննությունների ազգային կենտրոնի կողմից կազմակերպված առարկայի քննությանը, «գործող ուսուցիչ» կարգավիճակով գրանցման իրավունք ունեն միայն էթնիկ փոքրամասնությունների լեզուների՝ հայերենի եւ ադրբեջաներենի «գործող ուսուցիչ» կարգավիճակ ունեցող ուսուցիչները:

Փոփոխության համաձայն՝ մինչեւ 2023 թվականը ոչ վրացալեզու դպրոցների/բաժինների «գործող ուսուցիչ» կարգավիճակ ունեցող անձը (բացառությամբ էթնիկ փոքրամասնությունների լեզուների՝ հայերենի եւ ադրբեջաներենի ուսուցիչի) ավագ ուսուցիչ կարգավիճակ կստանա, եթե բավարարի հետևյալ պայմաններից մեկը.

«ա» Մինչեւ 2020-2021 ուսումնական տարվա II կիսամյակի սկիզբը կհավաստի կամ հավաստել է առարկայական իրավասությունը եւ մասնագիտական իրավասությունը 10-10 կրեդիտ-միավորով, իսկ այն դեպքում, եթե առնվազն երկու քննությունների (ինչպես առարկայական, այնպես էլ՝ մասնագիտական իրավասության) մասնակի հավաստման (1, 4, 7 կրեդիտ-միավոր) եւ այլ ակտիվությունների հիման վրա կուտակել է 14 կրեդիտ-միավոր, իրավունք կունենա մնացած կրեդիտ-միավորները լրացնել թրեյնինգով/թրեյնինգներով եւ կուտակել 19 կրեդիտ-միավոր:

բ) Անցնի (կամ անցել է) Ուսուցիչների մասնագիտական զարգացման ազգային կենտրոնի կամ ՀԻԻԱ Զուրաբ ժվանիայի անվան պետական կառավարման դպրոցի կամ բարձրագույն ուսումնական հաստատության կողմից կազմակերպված վրաց լեզվի դասընթաց կամ ներկայացնի վրացերենի իմացությունը հաստատող փաստաթուղթ եւ մասամբ հաստատի առարկայական իրավասությունը (1, 4, 7 կամ 10 կրեդիտ-միավորով): Ուսուցչին իրավունք կտրվի անցնել մասնագիտական կարողությունների երկարաժամկետ թրեյնինգ-դասընթաց, որը

հաջողությամբ ավարտելուց հետո նրան կտրվի ավագ ուսուցչի կարգավիճակ»:

Ինչ վերաբերում է «գործող ուսուցիչ» կարգավիճակով այն ուսուցիչներին (բացառությամբ էթնիկ փոքրամասնությունների լեզուների՝ հայերենի եւ ադրբեջաներենի ուսուցիչների), ովքեր 2022-2023 ուսումնական տարվա վերջի դրությամբ չեն կարողանա փոխել իրենց «գործող ուսուցիչ» կարգավիճակը, հանրակրթական հաստատության ղեկավարությունը, 2023-2024 ուսումնական տարվա մեկնարկից մեկ ամիս առաջ, կհայտարարի մրցույթ. «Ուսուցչի թափուր հաստիքը չհամալրվելու դեպքում հանրակրթական հաստատությունը, ըստ անհրաժեշտության, իրավասու է սույն «գործող» ուսուցչին առանց կարգավիճակի ընդունել աշխատանքի տվյալ պաշտոնում՝ մինչեւ թափուր պաշտոնը լրանալը»,- ասված է որոշման մեջ:

Փոփոխության համաձայն՝ ոչ վրացալեզու դպրոցների/բաժինների ազգային փոքրամասնությունների լեզուների (ադրբեջաներեն եւ հայերեն) «գործող ուսուցիչ» կարգավիճակով ուսուցիչների կարիերային առաջընթացի պայմանները ձեւավորվել են հետևյալ կերպ.

41-րդ հոդվածից հետո ավելացնել հետևյալ բովանդակությամբ 411 հոդվածը.

1. Ոչ վրացալեզու դպրոցների/բաժինների էթնիկ փոքրամասնությունների լեզուների (հայերեն եւ ադրբեջաներեն) «գործող» ուսուցիչը կպահպանի «գործող ուսուցիչ» կարգավիճակը մինչեւ 2025-2026 ուսումնական տարվա ավարտը:

2. Մինչեւ 2026 թվականը ոչ վրացալեզու դպրոցների/բաժինների էթնիկ փոքրամասնությունների լեզուների (հայերեն եւ ադրբեջաներեն) ուսուցչին ավագ ուսուցչի կարգավիճակ կստանա այն դեպքում, եթե անցնի (կամ անցել է) վրաց լեզվի դասընթաց, որը կազմակերպվել է Ուսուցիչների մասնագիտական զարգացման ազգային

կենտրոնի կամ ՀԻԻԱ Զուրաբ ժվանիայի անվան պետական կառավարման դպրոցի կամ բարձրագույն ուսումնական հաստատության կողմից կամ կներկայացնի վրացերենի իմացությունը հաստատող փաստաթուղթ եւ մասամբ կհաստատի առարկայական իրավասությունը (1, 4, 7 կամ 10 կրեդիտ-միավորով): Ուսուցչին իրավունք կտրվի անցնել մասնագիտական կարողությունների երկարաժամկետ թրեյնինգ-դասընթաց, որը հաջողությամբ ավարտելու դեպքում նրան կշնորհվի ավագ ուսուցչի կարգավիճակ:

3. Ոչ վրացալեզու դպրոցների/բաժինների ազգային փոքրամասնությունների լեզուների (հայերեն եւ ադրբեջաներեն) «գործող ուսուցիչ» կարգավիճակով ուսուցչին, որը 2022 թվականի դեկտեմբերի 31-ի դրությամբ առարկայական եւ մասնագիտական կարողությունը հաստատել է առնվազն 1 կրեդիտ-միավորով (հավաքել է նվազագույն միավոր), կշնորհվի ավագ ուսուցչի կարգավիճակ:

4. Ոչ վրացալեզու դպրոցների/բաժինների էթնիկ փոքրամասնությունների լեզուների (հայերեն եւ ադրբեջաներեն) «գործող ուսուցիչ» կարգավիճակով ուսուցիչները, որոնք 2022 թվականի դեկտեմբերի 31-ի դրությամբ առարկայական իրավասությունը հաստատել են 10 կրեդիտ-միավորով, կստանան ավագ ուսուցչի կարգավիճակ:

Այն դեպքում, երբ սույն հոդվածի առաջին կետով նախատեսված ոչ վրացալեզու դպրոցների/բաժինների ազգային փոքրամասնությունների լեզուների (հայերենի եւ ադրբեջաներենի) «գործող ուսուցիչ» կարգավիճակով ուսուցիչը մինչեւ 2025-2026 ուսումնական տարվա ավարտը հանրակրթական հաստատությունում այլեւս չի դասավանդում ազգային փոքրամասնությունների լեզուներ (հայերեն եւ ադրբեջաներեն), նշված հանրակրթական հաստատությունը պարտավոր է, այդ փաստի հետ կապված, դիմել Ուսուցիչների մասնագիտական զարգացման ազգային կենտրոն: Տվյալ դիմումի հիման վրա Ուսուցիչների մասնագիտական զարգացման ազգային կենտրոնը գրավոր կտեղեկացնի Կրթության կառավարման տեղեկատվական համակարգին:

Պատրաստեց ՁՈՅԱ ՄԻՒԹԱՐՅԱՆԸ

ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՎԱՐԿԱՆԻՇ

ՈՐՔԱՆՈ՞Վ Է ԻՐԱՏԵՍԱԿԱՆ ԵՐՋԱՆԿՈՒԹՅԱՆ «ԶԱՓՈՒՄԸ»

Մեր ժամանակներում տարբեր կազմակերպություններ տարբեր հարցումներ են անցկացնում, սահմանում այս կամ այն երկրի տնտեսական վիճակը, մարդկանց սոցիալական մակարդակը եւ այլն: Հետաքրքիր է՝ երջանկության վերաբերյալ հարցում անցկացվել է՝ եւ եթե՝ այո, ի՞նչ չափորոշիչներով են այն սահմանում: Ս. Կարապետյան Ախալքալաքի



այո, ի՞նչ չափորոշիչներով

Որքան էլ տարօրինակ լինի, նման հարցում անցկացվել է: Մասնավորապես, ՄԱԿ-ի Կայուն զարգացման կազմակերպությունը հրապարակել է աշխարհի երկրների երջանկության եւ կյանքից բավարարվածության ամենամյա վարկանիշային ցանկը: Եվ այդ աղյուսակում, երջանկության առումով, Վրաստանը զբաղեցնում է 90-րդ տեղը, Հայաստանը՝ 79-րդ, Ռուսաստանը՝ 70-րդ, Ուկրաինան՝ 92-րդ, Ադրբեջանը ցուցակում չկա:

Վարկանիշում առաջին տեղն է զբաղեցրել Ֆինլանդիան: Այս երկիրը վեց տարի գլխավորում է վարկանիշային ցանկը: Ամենաերջանիկ երկրների հնգյակում են Դանիան, Իսլանդիան,

Իսրայելը եւ Նիդերլանդները: Նրանց հաջորդում են Շվեդիան, Նորվեգիան, Շվեյցարիան, Լյուքսեմբուրգը եւ Նոր Զելանդիան:

Ինչ վերաբերում է չափորոշիչներին, ապա երջանկության տարեկան զեկույցները հիմնված են Gallup International-ի տվյալների վրա, որը հարցումներ է անցկացնում աշխարհի ավելի քան 130 երկրներում: Վարկանիշային հաշվարկները ներառում են այնպիսի չափանիշներ, ինչպիսիք են բնակչության եկամուտների մակարդակը, առողջապահության եւ սոցիալական օգնության հասանելիությունը, հասարակության մեջ կոռուպցիայի առկայությունը, ազատությունը եւ փոխադարձ օգնությունը:

ԱՌՈՂՋԱՊԱՀՈՒԹՅՈՒՆ

ԻՆՉ Է ԿԱԼՈՐԻԱՆ ԵՎ ԻՆՉՊԵՍ ԾԱԽՍԵԼ



Տալա հաճախ էր ասում՝ «Կեր, որ ուժ հավաքես»: Տարիներ անց հասկացա, որ այդ «ուժը» կենսական կալորիան է, որն անհրաժեշտ է մարդուն: Պարզ է, թե ինչպես պետք է կուտակել կալորիան, սակայն ինչպե՞ս է պետք այն ծախսել:

Կ. Ստեփանյան Բոլնիսի

Կալորիան ջերմության քանակ է, որն անհրաժեշտ է 1 Գ ջուրը 1°C-ով տաքացնելու համար: Նույնիսկ առանց որեւէ ֆիզիկական աշխատանքի մարդն օրական ծախսում է 1800 կիլոկալորիա (կկալ):

Սակավաշարժ չափահասը օրական պետք է ստանա 1800 կկալ, իսկ ֆիզիկական աշխատանք կատարողը՝ 5500 կկալ էներգիա: Այդ էներգիան մար-

դը ծախսում է օրգանիզմի հիմնական գործառնությունների, ինչպես նաեւ՝ շարժվելու վրա:

Տարբեր գործողությունների ծախսակ՝ մարդը մեկ ժամում ծախսում է էներգիայի տարբեր քանակություն: Ահա դրանցից մի քանիսը. լող՝ 720 կկալ, ֆուտբոլ կամ թենիս՝ 600 կկալ, երկարատեւ զբոսանք՝ 360 կկալ, սովորական քայլվածք՝ 90 կկալ, գրասենյակային աշխատանք՝ 42 կկալ:

ԳԻՏԵ՞Ք, ԱՐԳՅՈՒՔ...

ԻՆՉՊԵՍ ՍՏԵՂԾՎԵՃ ՖԵՅՄԲՈՒՔԸ

2004 թվականի փետրվարի 4-ին ստեղծվեց ֆեյսբուք սոցիալական ցանցը, որի գլխավոր տնօրենը եւ համահիմնադիրներից մեկը ամերիկացի ծրագրավորող Մարկ Էլիոտ Ցուկերբերգն է: Նրա կարողությունը կազմում է 31,6 միլիարդ ԱՄՆ դոլար:

Մարկ Ցուկերբերգը ծնվել է 1984 թ. մայիսի 14-ին, բժիշկների ընտանիքում: 10-12 տարեկան էր, երբ նրա համար համակարգիչ գնեցին: Մի քանի ամիս ցածր էր նոր խաղալիքից հեռու չէր գնում: Հետո սկսեց գրականություն ուսումնասիրել եւ ծրագրավորմամբ զբաղվել: Սովորել է Հարվարդի համալսարանի հոգեբանության բաժնում՝ միաժամանակ հաճախելով համակարգչային դասընթացների: Թերեւս հենց մարդկային հոգեբանության ուսումն-

ասիրումն էր դերակատարումն ունեցավ ֆեյսբուքի ստեղծման գործում: 2006 թ. ֆեյսբուքն արդեն հասանելի դարձավ ողջ աշխարհին:

Երկրաչափական պրոգրեսիայով աճում էր ինչպես օգտատերերի, այնպես էլ՝ միլիոնների թիվը: Կայքը թարգմանված է 15 լեզուներով՝ ներառյալ հայերենը: Հիմնվելով մարդկանց միմյանց հետ շփվելու պահանջի վրա՝ Մարկ Ցուկերբերգը դարձավ ամենաերիտասարդ միլիարդատերն աշխարհում:

ՀԱՄԱԿԱՐԳԻՉԸ ԵՐԵՒԱՅԻՍ ՌՈՒՆՏԻ Է ՎԵՐԱԾՈՒՄ. ՕԳՆԵՔ

«Վրաստան» թերթի փոստով ստացված նամակում, հեղինակը, Գեորգ Վարդանյանը, Բաթումից գրում է, որ իր 12-ամյա որդին ողջ օրը զբաղված է համակարգչային խաղերով, եւ այդ խաղերը լրիվությամբ երկրորդային պլան են մղել մնացած ամեն ինչ: «Ո՛չ ժամանակին սնվում է, ո՛չ ժամանակին դաս է անում... հաճախ չի էլ լսում, երբ խոսում ես հետը, բան հարցնում: Դարձել է ցրված, ամեն ինչի նկատմամբ անտարբեր: Խնդրում եմ օգնեք...»:

Հարգելի Գեորգ Վարդանյան, «Վրաստան» թերթն ի պատասխան Ձեր նամակի ներկայացնում է Հոգեբանական գիտությունների թեկնածու Գիորգի Սճեղիժեի մեկնաբանությունը:

- Փաստն այն է, որ համակարգչայնացումը, ցավոք, դարձել է նաեւ մեր այսօրվա հասարակության անբաժան մասը՝ իր հետ բերելով մի շարք բացասական երեւույթներ: Վերջինը հատկապես վերաբերում է համակարգչային խաղերին: Փորձագետները համոզված են, որ շատ մարդիկ օրվա մեջ նվազագույնը 3 ժամ տրամադրում են օնլայն խաղերին:

Այսօր բակերում երեխաներ գրեթե չեն հանդիպի: Չկան բակային խաղեր ու դեռ ավելին, շատ դեպքերում՝ երեխաները նույնիսկ բակ են իջնում սնարթֆոնով եւ, ռեալ կյանքում խաղալու փոխարեն, խաղում դրանցով:

Ասում են, որ երկրի մոլորակի վրա մարդկանց մոտ 25 տոկոսը խաղում է օնլայն խաղեր, այդ թվում՝ տարբեր տարիքային խմբեր, ինչպես 6 տարեկան դպրոցականը, այնպես էլ՝ 40 տարեկան գործարարը: Բայց հիմնական խումբը երեխաները եւ դեռահասներն են: Հասարակության մեջ օրեցօր ավելի է տարածվում այն կարծիքը, որ համակարգչային խաղերը վտանգավոր են երեխայի հոգեբանության համար՝ դարձնում են նրան ագրեսիվ, փոքրացնում են հետաքրքրությունների շրջանակը եւ նվազեցնում զգացմունքայնությունը: Երեխաների մի մասի համար սա ընդամենը ժամանակավոր զբաղմունք է, եւ մի քանի օր խաղալուց հետո նրանք հրաժարվում է դրանից, իսկ մյուս մասը պարզապես դառնում է խաղի «գերի» եւ իր ողջ ժամանակը տրամադրում դրան:

Իսկ համակարգչային խաղերի մասնագետները կարծում են, որ միայն այդ խաղերից չհասկացողներն են շարունակ պնդում, թե դրանք միայն վնասակար են: Հոգեբաններն էլ իրենց հերթին փաստում են, որ ծնողներից շատերը համակարգչային խաղերի վրա են բարդում երեխայի դաստիարակության մեջ իրենց ունեցած սխալները:

Հոգեբանների հավաստմամբ՝ մանկական տարիքում համակարգչային խաղերն իրենց գունավոր աշխարհներով, հերոսներով, հաղթանակներով ու պարտություններով, վիրտուալ մրցակիցներով կարող են ամբողջովին կլանել երեխային: Բայց հիմնականում վտանգավոր են համարվում այն խաղերը, որոնցում ագրեսիվ վարքի մոդելներ են դրսևորվում: Իսկ երեխաները, յուրացնելով այդ վարքագիծը, նմանակում են դրանց՝ փորձելով իրական կյանքում նմանվել խաղային հերոսներին: Այդպիսով նրանք դառնում են ագրեսիվ, նյարդային, դուրսագրգիռ եւ կոնֆլիկտային: Իսկ երբ ծնողները փորձում են նրանց հեռացնել համակարգից, սկսվում է մեծ ագրեսիա: Բայց



այս ամբողջը մեծ մասամբ հենց ծնողների սխալն է: Հիմա շատ են հանդիպում ծնողներ, ովքեր, պարզապես, իրենց համար ազատ ժամանակ ստեղծելու համար, երեխաներին տալիս են սնարթֆոն (կամ համակարգիչ) եւ անձամբ զբաղվում իրենց աշխատանքով՝ վստահ լինելով, որ երեխաները դրանից չեն հոգնի: Այսպիսով, երեխաները ողջ ժամանակը անց են կացնում վիրտուալ տիրույթում: Արդյունքում երեխաների մոտ կարող է առաջանալ այն տպավորությունը, որ, եթե վիրտուալ դաշտում թույլատրելի է սպանել, քանդել ու վնասել, ապա դա կարելի է անել նաեւ իրական կյանքում, ինչը մի կողմից վախեցնում է երեխային, մյուս կողմից՝ ստեղծում ամենաթողության մթնոլորտ:

Համակարգչային խաղերի ներկայացրած ամենամեծ ու ակնառու վտանգն այն է, որ դրանք շատ արագ կախվածություն են առաջացնում: Որոշ ժամանակ անց՝ երեխային արդեն անհնար է լինում հեռացնել համակարգից:

Հոգեբանների համոզմամբ՝ երեխային համակարգչային խաղերից հեռու պահելու լավագույն միջոցը նրանց հետ շատ ժամանակ անցկացնելն է, բայց ոչ թե միայն ֆիզիկապես ներկայություն ապահովելը, այլ համատեղ որեւէ բանով զբաղվելը: Շատ կարեւոր է օրվա մեջ երեխային տրամադրել բավական ժամանակ: Պետք է ցույց տալ երեխային, որ կյանքում, բացի խաղերից, կան մի շարք այլ հետաքրքրություններ: Իսկ այն ժամանակը, որ նա պետք է մեծակ մնա, կարելի է օգտագործել ավելի արդյունավետ: Օրինակ, երեխաներին տանել մարզվելու կամ պարի, կամ թույլ տալ երեխային զբաղվել իր նախասիրությամբ: Նախասիրությունը հաշվի առնելը շատ կարեւոր է, որպեսզի պարապմունքները նրա համար չվերածվեն անցանկալի գործընթացի: Ծնողները պետք է շատ զրուցեն իրենց երեխաների հետ, բացատրեն՝ որն է ճիշտ եւ որը՝ սխալ, եւ՝ թե ինչպես տարբերել մեկը մյուսից: Իհարկե, ծնողը կարող է դեմ նետել համակարգիչը կամ արգելել ընդհանրապես մոտենալ դրան, բայց նման կերպ հարցը կարգավորում չի ստանա:

☺ - Պոմիդորը քանի՞ս է:	ԱՆԵԿԴՈՏՆԵՐ	☺ Չրուցում են երկու ընկերուհի.
- 6 լարի:	- Բժիշկի մոտ էի, խմելն արգելում է:	- Ժլատ ամուսնուց ինչպե՞ս ես կարողանում փող պոկել:
- Կանաչ է, խակ, 4-ով տուր:	- Հետո՞, փողով թույլատվություն ստացիր:	- Երբ պետք է կռիվ եմ սկսում, ասում եմ, որ կգնամ մորս մոտ... Նա էլ ճանապարհածախսն ամմիջապես տալիս է:
- 4-ով որ տամ, կկարմրի՞...	- Տվեցի, համաձայնվեց, սա-կայն խմելու փող չմնաց:	
☺ Հանդիպեցին երկու ծանոթներ.		
- Ինչո՞ւ ես անտրամադիր:		

ԹԵՎԱՎՈՐ ՄՏՔԵՐ

Մենք միշտ սիրում ենք նրանց, ովքեր հիանում են մեզանով, բայց միշտ չէ, որ սիրում ենք նրանց, որոնք մեզ են հիացնում:

որ յուրաքանչյուրն իր հերթն ունենա զրույցի մեջ, ինչպեսեւ մնացած ամեն ինչում:



2.ԶԱՊԼԻՆ
Ինչը վայելուչ է, արժանի է հարգանքի, եւ ինչը արժանի է հարգանքի, միշտ էլ վայելուչ է:
Ս.ԳՐԻԿԻ
Չպետք է զրույցին տիրել, ինչպես հայրենական կալվածքին, որից իրավունք ունես վռնդել ուրիշին, ընդհակառակը, հարկավոր է ձգտել,

Ֆ.ՆԻՑՇԵ
Մարդկանց հետ երբեք չխոսեք նրանց լեզվով, ձեզանից կենդանան ու ձեզ անդաստիարակ կհամարեն:
Ս.ՎԱՐԴԱՆՅԱՆ
«Վրաստանի» ընթերցող

Նիսոմմիդա

ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՆԵՐԿԱՅԱՑՎԵՑ ԶԱՅԱՍՏԱՆԻ ՎԱՐՉԱՊԵՏԻ ԱՇԽԱՏԱԿԱԶՄԻ ՆԱԽՈՐԴ ՏԱՐԿԱ ԱՇԽԱՏԱՆՔՆԵՐԻ ԶԱՇՎԵՏՎՈՒԹՅՈՒՆԸ

Մարտի 28-ին Հայաստանի վարչապետ Նիկոլ Փաշինյանին ներկայացվեց վարչապետի աշխատակազմի 2022թ. գործունեության հաշվետվությունը:

Վարչապետի աշխատակազմի ղեկավար Արայիկ Զարուբյանը եւ նրա տեղակալները ներկայացրին հաշվետու տարում կատարված աշխատանքները:

Նշվեց, որ 2022թ. քաղաքացիներից ստացվել է մոտ 7900 դիմում. ընդհանուր առմամբ՝ 2020-2022 թթ. այդ ցուցանիշը գերազանցել է 20.000-ը: Ձեկուցվեց դիմումների քննարկման, քաղաքացիների հետ հետադարձ կապի մշտադիտարկման եւ գնահատման աշխատանքների մասին:

Ներկայացվեցին «Հանրային կապերի եւ տեղեկատվության կենտրոն»-ի կողմից իրականացված միջոցառումները, այդ թվում՝ «Կառավարության խոսնակների դպրոց» շարունակական ծրագիրը, որի շրջանակում վերապատրաստվել է 25 մասնագետ:

Ձեկուցվեց ռազմավարական ծրագրերի մշտադիտարկման ընթացքի, ինչպես նաեւ ազգային փոքրամասնությունների եւ կրոնի հարցերով կատարված աշխատանքի մասին:

Վարչապետի աշխատակազմի ղեկավարը նշեց, որ 2022թ.



մեր երկրում բարձր մակարդակով կազմակերպվել եւ անցկացվել են միջազգային միջոցառումներ, այդ թվում՝ Բնօրհանարարի Եվրոպայի առաջնությունը, «Մանկական Եվրատեսիլ»-ը, «STARMUS» գիտության եւ արվեստի միջազգային 6-րդ փառատոնը:

Հաշվետվությանը հաջորդեց մտքերի փոխանակությունը, որի շրջանակում քննարկում ծավալվեց ներկայացված թեմաների շուրջ:

Քննարկման արդյունքներով վարչապետը կոնկրետ հանձնարարականներ տվեց:

ԵՐԿՐԻ ՍԱՀՄԱՆԱԴՐՈՒԹՅԱՆ ԶԱՄԱԶԱՅՆ՝ ԶԱՅԱՍՏԱՆԸ ԾԱՆԱԶԵՑ ՄԻՋԱԶԳԱՅԻՆ ՔՐԵԱԿԱՆ ԴԱՏԱՐԱՆԻ ՀՈՌՄԻ ԿԱՆՈՆԱԴՐՈՒԹՅԱՄԲ ՆԱԽԱՏԵՍՎԱԾ ՊԱՐՏԱՎՈՐՈՒԹՅՈՒՆՆԵՐԸ

Մարտի 24-ին, Հայաստանի Սահմանադրական դատարանի նախագահ Արման Դիլանյանը հայտարարեց, որ Սահմանադրական դատարանը ծանաչել է Միջազգային քրեական դատարանի Հոռմի կանոնադրությամբ նախատեսված պարտավորությունները՝ հիմնարար օրենքին համապատասխան:

Արման Դիլանյանի խոսքով, Սահմանադրական դատարանի որոշումը վերջնական է եւ ուժի մեջ է մտնում հրապարակման պահից: Սահմանադրական դատարանի որոշումից հետո՝ երկրի խորհրդարանը պետք է վավերացնի Հոռմի կանոնադրությունը:

Հիշեցնենք, որ օրենս Միջազգային քրեական դատարանի նախաքննական պալատը ձեռքարկության օրդեր է տվել Ռուսաստանի նախագահ Վլադիմիր Պուտինի եւ երեխաների իրավունքների պաշտպան Մարիա Լվովա-Բելովայի համար:

Մեկնաբանելով Հայաստանի սահմանադրական դատարանի որոշումը՝ Ռուսաստանի արտաքին գործերի նախարարության ներկայացուցիչը հայտարարեց, որ Ռուսաստանի համար անընդունելի է Միջազգային քրեական դատարանի Հոռմի կանոնադրությանը միանալու Հայաստանի մտադրությունը:

/Սույնի կապակցությամբ վրաց քաղաքագետի մեկնաբանությունը տես՝ 2-րդ էջում:/

ՆԵՐԿԱՅԱՑՎԵԼ Է ԵԿԵՂԵՑՈՒ ՄՏԱՐՈԳՈՒԹՅՈՒՆԸ՝ ԴՊՐՈՑՈՒՄ «ՀԱՅ ԵԿԵՂԵՑՈՒ ՊԱՏՄՈՒԹՅՈՒՆ» ԱՌԱՐԿԱՅԻ ԱՌՆՉՈՒԹՅԱՄԲ



Մարտի 29-ին, Ամենայն Հայոց Կաթողիկոս Գարեգին Երկրորդը, Մայր Աթոռ Սուրբ Էջմիածնում ընդունեց Հայաստանի կրթության, գիտության, մշակույթի եւ սպորտի նախարար Ժաննա Անդրեասյանին:

Հանդիպմանը Ամենայն Հայոց Հայրապետը բարձրաձայնեց Եկեղեցու մտահոգությունները

հանրակրթության պետական չափորոշչի, հատկապես՝ «Հայ եկեղեցու պատմություն» առարկայի առնչությամբ՝ հաստատելով, որ պետություն-եկեղեցի երկարատեւ աշխատանքի արդյունքում ներդրված այս առարկայի նպատակն է՝ մատաղ սերնդին ապահովել հայեցի դաստիարակություն, ձեւավորել ազգային ինքնության գիտակցություն, կերտել արժե-

համակարգ, որոնք, գիտելիքի հետ մեկտեղ, կարող են ամուր հիմք կազմել մեր ժողովրդի առաջընթաց, ապահով ու բարձր կյանքին:

Այս իմաստով Նորին Սրբությունը նկատեց, որ Եկեղեցու ակնկալությունն է, որ վերսկսվեն ձեւավորված կրթության համատեղ հանձնախմբի աշխատանքները եւ առարկայի պահպանման հարցում գտնվեն ընդունելի լուծումներ:

Այս առնչությամբ Ժաննա Անդրեասյանը ներկայացրեց հանրակրթության պետական չափորոշչի կազմման մեթոդաբանությունը՝ կարեւորելով դպրոցում արժեքային դաստիարակության բաղադրիչի պահպանումը, նաեւ՝ ընդգծելով ազգային դպրոցի ձեւավորման եւ կայացման գործում Հայոց եկեղեցու մեծ ավանդը:

«ԱՐԱՐԱՏ-73»-Ի ԶԱՂԹԱՆԱԿՆԵՐԻ 50-ԱՄՅԱԿԻՆ ՆՎԻՐՎԱԾ ՖՈՏՈՑՈՒՑԱԶԱՆԴԵՍ ԵՐԵՎԱՆՈՒՄ

ԽՍՀՄ առաջնությունում եւ գավաթի խաղարկությունում, «Արարատ-73»-ի հաղթանակից 50 տարի անց, Երեւանում բացվեց հայկական լեգենդար թիմի հաղթանակներին նվիրված ֆոտոցուցահանդես: Ցուցահանդեսը կազմակերպել են «Ֆոտոտուր» գործակալությունը եւ Երեւանի «Արարատ» ֆուտբոլային ակումբը:

Հայաստանի նկարիչների միությունում բացված ցուցահանդեսում ներկայացված են 1973 թվականին «Արարատ»-ի անցկացրած հաղթական մրցաշրջանի հիշարժան դրվագները, հաղթականներն ու նվաճումները:

Ներկայացված լուսանկարների հեղինակները «Ֆոտոտուր» գործակալության հիմնադիրներ Զեբեդեոս եւ Մելիք Բաղդասարյաններն են, որոնք ժամանակին եղել են նաեւ «Արմենպրես» լրատվական գործակալության ֆոտոթղթակիցներ: Ցուցահանդեսին ցուցադրվում է 100 լուսանկար, որոնք ներկայացնում են «Արարատ-73»-ի հաղթական մրցաշրջանը:


Ցուցահանդեսի բացմանը ներկա էին նաեւ «Արարատ-73»-ի լեգենդար ֆուտբոլիստներ Էդուարդ Մարկարովը, Սերգեյ Բոնդարենկոն, Նորայր Մեսրոպյանը, Սերգեյ Պոդոյանը եւ այլք:

Հիշեցնենք, որ 1973 թվականի հոկտեմբերի 10-ին, Մոսկվայի Վ.Ի.Լենինի անվան կենտրոնական մարզադաշտում, կայացավ Երեւանի «Արարատ»-ի եւ Կիեւի «Դինամո»-ի պատմական հանդիպումը, որտեղ Երեւանի «Արարատ»-ը 2:1 հաշվով հաղթելով Կիեւի «Դինամո»-ին, նվաճեց Խորհրդային Միության բյուրեղապակյա գավաթը: Այդ հանդիպումից օրեր անց, Երեւանի «Հրազդան»



մարզադաշտում, կայացավ Երեւանի «Արարատ»-ի եւ Լենինգրադի «Զենիթ»-ի հանդիպումը, որտեղ, Զովհաննես Զաւագանյանի եւ Էդուարդ Մարկարովի հրաշալի գոլերի շնորհիվ, «Արարատ»-ը՝ 3:2 հաշվով հաղթեց եւ նվաճեց նաեւ Խորհրդային Միության չեմպիոնի տիտղոսը: Երեւանի «Արարատ»-ը դարձավ 6-րդ թիմը, որը մեկ խաղաշրջանում նվաճեց ԽՍՀՄ չեմպիոնի եւ ԽՍՀՄ գավաթակրի տիտղոսները:

ՀԵՐԱՄԻՍՏԱՐՈՒՅՑ՝ ՆԵՐԿՈՒ ՓԱՇԻՆՅԱՆԻ ԵՎ ՇԱՌՍԻ ՄԻՋԵԼԻ ՄԻՋԵՎ



Նիկոլ Փաշինյան
ՀՀ վարչապետ

Շառլ Միշել
Եվրոպական խորհրդի նախագահ

Մարտի 30-ին, Հայաստանի վարչապետ Նիկոլ Փաշինյանը հեռախոսազրույց է ունեցել Եվրոպական խորհրդի նախագահ Շառլ Միշելի հետ:

Ձրույակիցները քննարկել են Ադրբեջանի կողմից Լաչինի միջանցքի ապօրինի արգելափակման հետեւանքով շարունակվող ճգնաժամին առնչվող հարցեր: Մտքեր են փոխանակել վերջին զարգացումների, Հայաստան-Ադրբեջան բանակցային գործընթացի, խաղաղության օրակարգի շուրջ: Կողմերը կարելի էր են տարածաշրջանում կայունության ու խաղաղության ապահովման ուղղությամբ հետեւողական ջանքերը:

ՊԵՏԱԿԱՆ ԳՐՈՇԻՆ ՆԵՐԿՎԱՅԱՑՎՈՂ ՊԱՇԱՆՁՆԵՐԸ ԽՍՀՄԻՋԵՐԻՆ

Կառավարությունը խստապրեց Հայաստանի խորհրդանիշներից մեկի՝ պետական դրոշին ներկայացվող պահանջները: Դրոշի պահանջների խախտումներն այլեւս պարզելի կլինեն բոլոր դեպքերում անկախ նրանից այն բարձրացված է պետական շենքի վրա, թե տեղադրված է մեկ այլ վայրում:

Այսօրվա գործող կարգավորումների համաձայն՝ բարձրացված դրոշը պետք է լինի ամբողջական, մաքուր եւ չգունաթափված: Ընդ որում, դրոշի ներքեւի մասը պետք է գտնվի գեղմից երկու ու կես մետրից ոչ պակաս բարձրության վրա:

Միաժամանակ, հստակեցվում է Հայաստանի դրոշի ներկայացվող պահանջները խախտելու համար պատասխանատվության ենթակա սուբյեկտների շրջանակը՝ ֆիզիկական եւ իրավաբանական անձինք կորուզանվեն 30-50 հազար դրամի չափով, իսկ պաշտոնատար անձինք՝ 70 հազարից 100 հազար դրամի չափով:

ՏՆՏԵՍԱԿԱՆ ԱՎՏԻՎՈՒԹՅԱՆ

ՃՈՒՑԱՆԵՐԵՆ ԱՃԵԼ Է 10,9 ՏՈՎՈՍՈՂ

Հայաստանի վիճակագրական կոմիտեի տվյալներով, Հայաստանի տնտեսական ակտիվության ցուցանիշն այս տարվա առաջին երկու ամսում հունվար-փետրվարին 10,9 տոկոսով աճել է նախորդ տարվա նույն ժամանակահատվածի համեմատ:

Արդյունաբերական արտադրանքի ծավալը հունվար-փետրվարին, 2022-ի հունվար-փետրվարի համեմատ, ավելացել է 1 տոկոսով: Շինարարության ծավալը այս տարվա 2 ամսում, նախորդ տարվա նույն ժամանակի համեմատ, ավելացել է 13.2 տոկոսով: Իսկ այս տարվա հունվար-փետրվարի ընթացքում սպառողական գների ինդեքսը, 2022-ի հունվար-փետրվարի համեմատ, աճել է 8,1 տոկոսով: Արդյունաբերական արտադրանքի գների ինդեքսն էլ նույն ժամանակահատվածում աճել է 0,8 տոկոսով:

ՍԵՎԱՆԱ ԱՅԻ ՄԱՍԻՐԱՅՈՒԹԵ ԲԱՐՁՐԱՑԵԼ Է ՍԵՒԱՆԱ ԼՃԻ ՄԱԿԱՐԴԱԿԸ, ՄԱՐՏԻ 20-26-Ն ԸՆԿԱԾ ԺԱՄԱՆԱԿԱՊԱՐՎԱԾՈՒՄ, ԲԱՐՅՐԱԿԵԼ Է 1ՍՄ-ՈՎ ԵՒ ԿԱԶՄԵԼ 1900.30Մ (26.03.23թ.), ՈՐՈՆ ԱՆՅԱԼ ՎԱՐՎԱԼ ՆՈՒՅՆ ՕՐՎԱ ՄԱԿԱՐԴԱԿԻՅ ԿԱԾՈՐ Է 15ՍՄ-ՈՎ, ԻՍԿ 2023 թվականի հունվարի 1-ի մակարդակից բարձր է 2սմ-ով:

Արվա-Սեւան ջրատարով, մարտի 20-26-ն ընկած ժամանակահատվածում, Սեւանա լիճ տեղափոխված ջրի քանակը կազմել է 0.603մլն մա, իսկ 2023 թվականի հունվարի 1-ից մարտի 26-ը ներառյալ՝ 7.311մլն մա:

ԵԿԵՂԵՑԱԿԱՆ

ՀԱՅ ԱՌԱՔԵԼԱԿԱՆ ՈՒՂԱԾԱՌ
ՍՈՒՐԲ ԵԿԵՂԵՑԻՆ ԱՊՐԻԼԻ 2-ԻՆ
ՆՇՈՒՄ Է ԾԱՂԿԱԶԱՐՈՂ, ԻՍԿ
ԱՊՐԻԼԻ 9-ԻՆ՝ ՍՈՒՐԲ ԶԱՏԻԿԸ



Սուրբ Հարությանը նախորդող կիրակի օրը՝ ապրիլի 2-ին, Հայ Առաքելական Եկեղեցին նշում է Ծաղկազարդը, որը խորհրդանշում է Քրիստոսի հաղթական մուտքը Երուսաղեմ: Ն.Ա.Օ.Տ.Տ. Գարեգին Երկրորդ Ամենայն Հայոց Կաթողիկոսը Ծաղկազարդը հռչակել է որպես մանուկների օրհնության օր:

Սուրբ Զատիկին նախորդում է ճրագալույցի Սուրբ պատարագը, որի ավարտին ազդարարվում է Փրկչի հրաշափառ Հարության ավետիսը: «Քրիստոս յարեալ ի մեռելոց, օրհնեալ է յարութիւնը Քրիստոսի»: Այս ավետիսով ավարտվում է Մեծ Պահքը:

Իսկ ապրիլի 9-ին նշվում է Սուրբ Զատիկը: Հիսուս Քրիստոսի հրաշափառ Հարության տոնը կոչվում է նաեւ Զատիկ, որը նշանակում է զատում, բաժանում, հեռացում մեղքերից եւ վերադարձ առ Աստված:

Հիշեցնենք, որ արդեն հաջորդ շաբաթ, Վրաց Ուղղափառ Սուրբ եկեղեցին՝ ըստ հին տոմարի կնշի Զատական տոնը, Ծաղկազարդը՝ ապրիլի 9-ին, Զատիկը՝ ապրիլի 16-ին:

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ՌԻԿՈԹՈՒՄ ԵՐԹԵՎԵԿՈՒԹՅՈՒՆԸ
ԱՐԳԵԼՎԱԾ Է

Վրաստանի ավտոմոբիլային ճանապարհների դեպարտամենտի տեղեկատվությամբ, ճանապարհին սողանքի սպառնալիքի պատճառով, Ախալսուփեյի տրանսպորտային հանգույցից մինչեւ Ձեստափոնի (միջազգային նշանակության թրիլիսի-Սենակի-Լեսելիձե ավտոմոբիլային ճանապարհի (149-րդ կմ) ճանապարհահատված) ճանապարհին տրանսպորտի բոլոր տեսականների համար երթևեկությունը արգելված է:

Մարդատար մեքենաները կարող են երթևեկել ներքին պետական նշանակության Գոմի-Սաչխերե-Ճիաթուրա-Ձեստափոնի ճանապարհի անցմամբ: Կցորդով եւ կիսակցորդով մեքենաների երթևեկությունը ժամանակավորապես արգելված է:

ՄՊՈՐՏ

ՈՉ-ՈՔԻ ԵՎ ՊԱՐՏՈՒԹՅՈՒՆ՝ ԵՎՐՈ-2024-Ի
ԽՄԲԱՅԻՆ ՄՐՑԱՇԱՐԻ ՄԵԿՆԱՐԿՈՒՄ

Մեկնարկեց Եվրոպայի ֆուտբոլի 2024 թվականի առաջնության խմբային մրցաշարը:

Եվրոպական «Ա» խմբում հանդես եկող Վրաստանի հավաքականը (վարկանիշային աղյուսակում՝ 78-րդ տեղը) մեկնարկային հանդիպումն անցկացրեց «Բաթունի Արենա»-ում եւ նորվեգացիների (ՖԻՖԱ-ի վարկանիշային աղյուսակում՝ 43-րդ տեղը) հետ մրցամարտում ավարտեց ոչ-ոքի՝ 1:1:

Մինչ այդ, Վրաստանի հավաքականը՝ 6:1 հաշվով Բաթունիում ընկերական հանդիպման ժամանակ պարտության մատնեց Մոնդոլիայի հավաքականին:

«Ծ» եվրոպական խմբում հանդես եկող Հայաստանի հավաքականը (ՖԻՖԱ-ի վարկանիշային աղյուսակում՝ 95-րդ տեղը) սեփական հարկի տակ ընդունեց Թուրքիայի (ՖԻՖԱ-ի վարկանիշում՝ 44-րդ տեղը) հավաքականին եւ զիջեց՝ 1:2 հաշվով:

Հայաստանի հավաքականը եւս անցկացրեց ընկերա-

կան հանդիպում Կիպրոսի հավաքականի հետ Երեւանում: Այն ավարտվեց ոչ-ոքի՝ 2:2:

Վրաստանի եւ Հայաստանի հավաքականների եվրոպական մրցաշարի հաջորդ հանդիպումները կանցկացվեն ընթացիկ տարվա հունիսին:

ՄԵՐԻ ԱՐԱՔԻՉԵՆ՝ ՇԱՆՄԱՍԻ
ԵՎՐՈՊԱՅԻ ԶԵՄՊԻՈՆ

Զեռնոգորիայի Պետրոպոլսացա քաղաքում եզրագծող հատեց շախմատի կանանց եվրոպայի առաջնությունը: Վրաց շախմատիստուհի Մերի Արաքիձեն, 11 հնարավորից վաստակելով 8,5 միավոր, դարձավ մայրցամաքի չեմպիոն:

Մրցաշարին մասնակից հայ շախմատիստուհիներից լավագույնը Աննա Սարգսյանն էր, ով 11 հնարավորից հավաքեց 7,5 միավոր եւ զբաղեցրեց 10-րդ տեղը:



ՀԻՇՏԱԿԻ ԽՈՍՔ



Անսպասելի, անժամանակ, կյանքի 52-րդ տարում հանգավ Ախալցխի խելի մուսիցի-պալիտեի Ծուրղուքի համրային դպրոցի արհեստավարժ մանկավարժ, պատմության, քաղաքակրթության, բնագիտության սիրված ու հարգված ուսուցչուհի Հասմիկ Զախոյանի մեծ ու բարի սիրտը, սիրտ, որտեղ բոլորի համար տեղ կար...

Խոսել Հասմիկ Զախոյանի մասին նշանակում է ոչինչ չասել:

Մարդ-արեւ, մարդ-պոզիտիվ, քայլող ուրախություն, քայլող կյանք, բացառիկ մարդ, բացառիկ իր տեսակով, բնավորությամբ, ունակություններով, ինչու, նաեւ՝ արտաքինով, որն այնքան շատ էր սազում նրան: Ուսուցչական կոլեկտիվն իրար միավորողը, կապողը, աշակերտների անվերապահ

ՄԻՐՏ, ՈՐՏԵՂ ԲՈԼՈՐԻ ՀԱՄԱՐ ՏԵՂ ԿԱՐ...

սերը վայելողը, ահա թե ով էր նա:

Անհմար էր Հասմիկին չսիրել: Բավական էր ճանաչելի նրան ու նա մեկընդմիջտ կմնար քո սրտում: Հասմիկի վարակիչ ծիծաղը, յուրօրինակ հյութեղ հումորը, լավատեսությունը, ընկերասիրությունը, առատաձեռնությունը, բարությունը, մեծ սիրտը, դիմացինին տված մեծ ջերմությունն ու դրական էներգիան մնալու է բոլորիս սրտում:

Հիրավի, Աստված, ժամանակ առ ժամանակ երկիր է ուղարկում Հասմիկի նման մարդկանց, որպեսզի չխաթարվի երկրի հավասարակշռությունը, որպեսզի ցույց տա, որ մենք այս կյանքից ոչինչ չենք տանելու, բայց

պետք է թողնենք սեր, մեր Հասմիկի սիրո նման անկաշառ, անսպառ ու անսահման սեր:

Սիրելի Հասմիկ, դու քո մեծ սիրով ու բոլորիս համար տեղ ունեցող քո մեծ սրտով, ընդմիջտ կմնաս մեր սրտերում:

Լույսերի մեջ մնա մեր ֆանտաստիկ Հաստ:

Ախալցխի խելի մուսիցիպալիտետի Ծուրղուքի համրային դպրոց

«Վրաստան» թերթի աշխատակազմը ցավակցում է Հասմիկ Զախոյանի հարազատներին, բարեկամներին ու գործընկերներին, նրա անժամանակ մահվան կապակցությամբ:

«Վրաստան» թերթի խմբագրությունը իր վշտակցությունն է հայտնում Ալեքսանդր Մովսիսյանին, սիրելի թրոջ՝ 74-ամյա

Ալլա Հովհաննեսի ԴԱՆԻԵԼՅԱՆԻ

մահվան կապակցությամբ եւ ցավակցում հանգուցյալի հարազատներին, բարեկամներին ու մերձավորներին:



	1		2		3		4		5		6
7					8		9				
					10						
11		12					13	14		15	
	16				17						
				18			19		20		21
22			23				24				
			25		26						
27	28						29		30		31
					32						
33		34					35	36		37	
	38					39	40				
				41	42		43				
44	45		46		47			48		49	
	50						51			52	
	53				54				55		

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Դերասան Վյաչեսլավ ...: 9.Բնագավառ: 10.Կինոնկար: 11.Լանջաբաց: 13.Վրաց բանաստեղծ ...: 21.Քրեական: 16.Քաղաք Ֆրանսիայում: 17.Մշակելի հող: 19.Շոկոլատ ...: 41.Վեյ: 22.Օգնություն, օժանդակություն: 24.Ջազային երգչուհի ...: 30.Հովհաննիսյան: 25.Կղզի Ինդոնեզիայում: 27.Պարկարագիլ: 29.Ֆրանսիացի նշանավոր դերասանուհի Սառա ...: 32.Հակակրեյի, աչքի գորո: 33.Արեւելյան ծագում ունեցող հնագույն հարվածային երաժշտական գործիք: 35.Շատ աղքատ, ցնցոտիավոր: 38.Կաշվից, մորթուց հագուստներ կարող արհեստավոր: 40.Երկիր արեւմտյան Աֆրիկայում ...: Լեոն: 41.Այլուրտ քաղցր պտուղ: 44.Ա.Դյունայի «Երեք հրացանակիրներից»: 47.Հովանոցավորների ընտանիքին պատկանող բույս: 48.Հատիկավոր բույս: 50.... ընդ առաման: 51.Հարավային Ամերիկայի արշիպելագ, որի կազմի մեջ է ներառվում ավելի քան 40 հազար կղզիներ, ... երկիր: 52.Մարմնի մաս: 53.Հնդկ դերասան ... Կապուր: 54.«Եմ» օժանդակ բայի ժխտական ձևը: 55.Մետաղալարից հյուսված ցանցավոր զրահաշապիկ:

ՈՒՂԱԶՆՅԱՆ. 1.Տեղյակ եմ: 2.Գնդասեղ: 3.Կանացի կարճ բաժկոնակ: 4.Քաղաք Սիրիայում: 5.Մթնոլորտային տեղումներով զուգորդվող ուժեղ քամի, մրրիկ: 6.Ժամանակ (արեւմտ): 8.Իտալացի ֆուտբոլիստ Քրիստիան ...: 12.Աղբ, անմաքրություն: 14.Հայ գուսան: 15.Թանկարժեք մետաղ: 18.Ծովախեցգետին: 19.Թելի վերածել, ոլորել: 20.Օդիչի (Սամեգրել) իշխան ... II Դադիանի: 21.Իսպանացի նախկին ֆուտբոլիստ, դարպասապահ ... Կասիլյաս: 23.Գետ Ռուսաստանում: 26.Ֆրանսիայի ամենաերկար գետը: 28.Որսի միս: 29.Բաբելոնյան գերագույն աստված: 30.Իտալական ծագումով ամերիկացի վիրտուոզ ջութակահար Ռուջերո ...: 31.Ճաշատեսակ: 34.Ճապոնական ավտոմեքենա: 36.Վրացական մարզական թերթ: 37.Խոշոր եղջերավոր կենդանիների վարակիչ հիվանդություն: 39.Սիրելի անձ: 42.Ներշնչվող ու արտաշնչվող օդ: 43.Ցեղ, սերունդ: 45.Նվագարան: 46.Վրան լավաթ թխելու թիթեղ: 48.Քաղցի զգացում: 49.«Ինքը» դերանվան հնաձեւ սեռական հոլովը:

Կազմեց ԷԼԼԱ ԱՌԱՔԵԿՅԱՆԸ

ՆԱԽՈՐԴ ՀԱՄԱՐԻ ԽԱԶՐԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Աթոռանիստ: 6.Դիանա: 9.ՄԱԿ: 11.Տատմեր: 12.Բրա: 13.Արեշ: 14.Արփիկ: 16.Շուն: 18.Իմ: 20.Անապակ: 21.Աղ: 22.Արեւ: 23.Տիգրիս: 25.Միս: 26.Գազ: 28.Գերչակ: 31.Դող: 32.Պրահա: 33.Մենք: 35.Վոկալ: 37.Անթիվ: 38.Նեգր: 39.Թամար: 40.Վիսկի: 44.Ասաղ: 47.Կիպրոս: 48.Սիփան: 50.Սնակ: 52.Սերոբ: 55.Երբայեցի: 56.Բայց: 57.Եմ: 58.Գիշեր:

ՈՒՂԱԶՆՅԱՆ. 1.Արտաշատ: 2.Ուսում: 3.Արեւի: 4.Սմբատ: 5.Տարր: 7.Իգական: 8.Արշակ: 10.Կափարիչ: 15.Ինքնա: 17.Ուղի: 19.Մաս: 22.Ամրակ: 24.Գաղթ: 27.Ջաքարե: 28.Գավիթ: 29.Եհովա: 30.Կմ: 31.Դադիկան: 32.Պանկիսի: 34.Եթե: 36.Արագի: 41.Կասպից: 42.Գրկեցի: 43.Սատո: 45.Ափսե: 46.Դամբ: 49.Նարե: 51.Կամ: 52.Սեգ: 53.Բիշ: 54.Բեն:

Գլխավոր խմբագիր՝ ՎԱՆ ԲԱՅԲՈՒԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾՈԼՈՆՈ 0105, ՃԱՄԲՅՈԼՈՆ ՄՅՅԱ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԵՍՏԱՆ»
ՄԾՈԼՈՆՈ, ՆԱՅՅԵՄՅՈԼՈ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445